

欽定古今圖書集成

方輿彙編職方典



欽定古今圖書集成方輿彙編職方典

第六百三十九卷目錄

遵義府部彙考

遵義府建置沿革考

遵義府疆域考

有圖

形勝附

遵義府星野考

遵義府山川考

遵義府城池考

遵義府關梁考

遵義府公署考

遵義府學校考

遵義府賦役考

遵義府風俗考

遵義府祠廟考

寺觀附

遵義府驛遞考

遵義府兵制考

遵義府物產考

遵義府古蹟考

陵墓附

職方典第六百三十九卷

遵義府部彙考

遵義府建置沿革考

本府

總志

禹貢梁州之域古蠻彝境周秦時爲夜郎且蘭地本西南彝國漢元鼎中且蘭君反發兵平之置縣屬牂牁郡晉隋因之唐分牂牁北界置郎州領恭水高山貢山柯盈邾施釋燕六縣後復改爲播州置遵義縣後改播州郡乾元初復爲

播州隸黔中郡乾符中陷於南詔命楊端復之
王建孟知祥繼有其地宋大觀中楊文貴以其
地內附置遵義軍於白絲堡領播川瑯川帶水
三縣宣和中州廢為播川縣隸南平軍淳熙中
遷至沐家川即今地開禧間復珍州遵義軍端
平間廢軍州仍改為播川置沿邊安撫司屬夔
路隸四川制置司元至元間改為鼎山縣隸播
州尋改為沿邊安撫司黃平等十一長官司屬
焉隸湖廣行省明玉珍增餘慶州割南平綦江

長官司為綦江縣明洪武初為播州宣慰司後
陞宣慰使司領播州餘慶白泥容山真州重安
長官司六草塘黃平安撫司二萬曆二十八年
宣慰楊應龍叛總督李化龍調土漢併陝浙兵
平之始改土設流以容山黃平白泥壅水重安
餘慶草塘等地為平越府隸貴州以播州宣慰
司真州等地置遵義軍民府領州一縣四

皇清因之

遵義縣 附郭

漢古夜郎且蘭地後平為縣晉隋俱因之唐置
郎州後改播州遵義縣宋為播州安撫司屬夔
路元因之明改播州宣慰使司平播改置今縣
編戶一十三里為遵義府附郭

皇清因之編戶一十三里

桐梓縣

周秦為夜郎地魏晉俱因之唐為漆州宋改播
川縣元改鼎山縣明平播改今名編戶七里隸
遵義府

皇清因之編戶五里

綏陽縣

周屬牂牁郡後屬思州秦晉魏俱因之唐置彝
州郎州後改播州宋置遵義軍後改播川縣屬
四川制置元屬播州為偽夏竊據明平播改今
縣編戶四里隸遵義府

皇清因之編戶四里

真安州

周楚威王伐夜郎植牂牁以繫舟後滅夜郎因

名牂牁並以名江漢置夜郎縣魏晉俱因之唐
爲樂義縣尋改舞州又改鶴州珍州宋改西高
州元初爲珍州後改眞州明平播改今名編戶
四里隸遵義府

皇清因之編戶四里


仁懷縣


周且蘭旁地屬牂牁郡後倏彝倏縣唐沒於南
詔楊端復之屬播州宋元因之後爲僞夏竊據
明平播改今縣編戶六里隸遵義府

皇清因之編戶九里



遵義府疆域圖





遵義府疆域考

府志

本府 遵義縣附郭

東至貴州偏橋衛界四百八十里

西至合江縣界一千五百里

南至貴州蒼龍坑長官司界九十里

北至綦江縣界三百五十里

自府至省城一千九百八十里北至

京師九千四百里

東西廣一千二百二十里南北袤一千四百里

桐梓縣

東至真安州界二百一十里

西至仁懷縣界一百里

南至遵義縣界二十里

北至綦江縣界一百六十里

自縣南至本府一百二十里至省城一千八百
里至

京師九千九百五十里

東西廣二百里南北袤二百八十里

綏陽縣

東至貴州婺川縣界三百里

西至遵義縣界三十五里

南至遵義縣界三十五里又至湄潭縣界一百

五十里

北至遵義縣界三十五里

東北至真安州界六十二里

西北至桐梓縣界一百二十里

自縣西至本府九十里至省城一千九百八十

五里至

京師九千七百里

東西廣三百里南北袤三百二十里

真安州

東至武隆縣界二百里

西至綏陽縣界二百里

南至貴州婺川縣界五十里

北至南川縣界二百里

自州西至本府二百里至省城一千九百里至

京師九千里

東西廣四百里南北袤二百里

仁懷縣

東至綦江縣界二百里

西至貴州永寧宣慰司界六十里

北至合江縣界三十里

東南至桐梓縣界三百三十里

東北至重慶府江津縣界八十里

西北至瀘州界三十里

自縣東至本府五百里至省城一千八百里至
京師一萬三百九十里水路八千九百七十五里
東西廣四百里南北袤六百里

形勝附

本府

遵義縣附郭

舊志西連夔道南極牂牁

圖經土地曠遠跨接礮礪

又云承播珍彝皆牂牁故地

元史重山複嶺陡澗深林

桐梓縣

婁山金馬玉屏聳其前虎峯蒼龍天祿擁其後

左有魁巖鼎山右有金鵝黃龍文峯疊嶂秀色

爭奇溱水龍溪襟流帶合有巖谷之險原隰之

利

綏陽縣

四山環保障一水帶提封牛羊鴈柱平沙雲樹

旌旗天外控埃東楚捷徑南滇闔開旅度冠山

畬芟農歸岐下

真安州

跨綏之左枕婺之東南川襟領於前武隆環繞
其右抗萬山之重阻帶二水之雙流

仁懷縣

前臨山澗後枕大江

遵義府星野考

總志

府總

井鬼之分鶉首之次

遵義府山川考

總志府志合載

本府

遵義縣附郭

鳳山 在治東一里形如鳳翥

湘山 在治東二里上有護國寺

龍山 在治北二里

錦屏山 在治西南二里茂林修竹形如錦屏

定軍山 去治北四十里昔楊端駐軍於此因

名按明一統志楊端宋太師

龍巖山 在治北四十里怪石巉巖

蟠龍山 在治北首尾蟠屈如龍

香風山 去治東二十里有石洞石几

板角山 去治九十里極險

滴水巖山 在治東南有石洞可容千人

放牛山 去治西十五里為府治祖山

元寶山 去治西四十里有溪水瀑布

洪關山 去治西八十里有溫泉

崖孔山 在西北有石脉湧泉為烏江發源

石笋山 在治西百里突出如笋

雷變山 在治西八十里有大池灌田百畝

倒坐巖山 在治西北二十里有石洞飛泉

巖門山 在治北六十里兩山對峙如門

永安山 在治北六十里外高內平有田二千

餘畝楊應龍舊宅

海龍屯山 在治北七十里萬山之巔四圍陡

絕有飛昇巖楊應龍巢此後建寺於上

婁山 在治北九十里即大樓山東來第一險

紫霞山 去治東北三十里上陽子修煉處

洪寶山 離城八十里

碧雲峯 在治內四峯並峙中一峯迴出青碧如雲

櫃巖 去治北三百里高百丈廣半之中有一石穴穴前一石櫃

手爬巖 懸石天際

黃蟲崖 去治西南七十里

老虎屯 在縣西南八十里

桃源洞 在治東其洞幽絕彷彿武陵桃源故

名

化蒿坪 在縣西北五十里

湘江 去治東四里又名穆家川源出龍巖山麓流經湘山南與烏江合

洪江 在治東源出大樓山合仁江入烏江

烏江 在治南八十里源出水西閩地繞播州南湘洪仁三江合經思南府轉入涪江

仁江 去治東南五十里源出永安驛山澗下流合湘江入烏江

落閩水 去治西南四十里東流入烏江按明一統志源出水煙里

安水 去治東七十里源出筍竹平里澗流入烏江凡舟楫濟此無險按明一統志是安樂水

湄潭水 去治東一百里流入烏江經思南府達於黔江

金鼓潭 離城四十里源出雷變山流入落閩水

易氏井 在治南其泉味甘四時清潔不涸古

有易姓者居其側

龍泉 有二一在府治北二十里一在真安州西南六十里俱深沉莫測相傳有龍居其中

桐梓縣

金鵝山 去治前一里

虎峯山 去治左一里

鳳鳴山 去治二里

鼎山 去治左一里

九龍山 去治東九十里

白崖 離城二十里

木瓦崖 離城四十里

陳頭箐 離城五十里

齋郎水 在治西六十里源出蒿菱里楚米坡

經小溪里入瀘江合江會蜀江古有苗齋郎者

會居此因名

小溪 離城一百里發源出箐下流至綦江縣

界名綦江河

綏陽縣

永山 在治南二里

拱辰山 在治南一百五十里山勢北向因名

仙人山 在治北三十里

綏陽山 離城五十里

南宮 離城八十里

北掃 離城八十里

小烏江 在治南源出椒溪南流入涪江

真安州

飛鳳山 形如飛鳳

豹子山 在治西八里多產豹晴亦常霧

羅蒙山 去治南六十里唐志云舊有羅蒙縣

按明一統志此山之高遠瞰羅蒙故名

松山 有二一在東南六十里曰東松山一在

西南六十里曰西松山

羅支山 嘉靖中平寇於此

舉子山 漢時舉一孝廉於此

雲頂山 宋封山神於此

石場清淨山 離城二百里

峻嶺山 離城八十里

銅鑼山 離城一百五十里

綢子山 離城九十里

栗子坪 離城一百七十里

黃泥箐 離城二百里

三江 在治南源出羊毛坡東南流合九溪

芙蓉江 去治南百里源出西彝流入黔州

虎溪 去治西南七十里源出播州委家里經

舊珍州下流合三江

思溪 去治西七十里源出南川縣界下流入

三江

貫珠溪 去治西南八十里

仁懷縣

石錠山 去治十里

五花山 去治東二十里

雨標山 去治東南二十里

天王池山 去治東南三百里

刀子箐 去治東南三百三十里

中山坪 去治西南一百五十里

仁懷河 卽永寧赤水河自永寧下流入縣境

二百里至縣城西北北流三十里至合江縣界

遵義府城池考

總志府志合載

本府

遵義縣附郭

遵義府城池 明萬曆庚子播平始建石城西

南倚山巔無壕東北臨溪為壕依水據山高

丈廣九百五十丈四尺堦口一千七百八十二

門四東曰宣仁西曰懷德南曰陽明北曰望京

後另開小東門今閉

外州縣

桐梓縣城池 明萬曆間播平設縣知縣何珩

築周三里厚五尺後水漲及城下初築止存大半署縣事知州王桂植柳以堅外堤增舊基礎以磚石更展四百三十丈池深一丈闊倍之門四曰東陽曰南薰曰西成曰北拱

綏陽縣城池 明萬曆庚子知縣詹淑創修後河水瀑瀉城圯遂改河去城三十丈重壘土石高三丈廣四百七十九丈歲久傾圮

皇清康熙元年知縣鄒宗彥重修門四曰熙和曰永定曰清源曰拱極

真安州城池 明萬曆庚子播平設州卜城於

潏水上高一丈四尺廣六百五十七丈一尺堞口二千三百六十八同知郭維屏修建外環以壕門四曰鞏昌曰興化曰永清曰崇明

仁懷縣城池 明萬曆中知縣曹一科創修後知縣王所用增補高三丈周四百七十五丈八尺堞口一千九十五外環以壕門四曰東西南北

遵義府關梁考

總志

本府

遵義縣附郭

烏江關

在治西南烏江旁明洪武中建

三渡關

去治東一百一十里按明一統志在

宣慰司東八十里

黑水關

去治西八十里按明一統志在宣慰

司西九十里

太平關

在治西按明一統志在大樓山上

通遠橋

在治東門外旁峭壁高數仞舊名獅

子橋通貴州按明一統志洪武初建

太平橋 在治南按明一統志洪武中建

普濟橋 在治東按明一統志洪武中建

吳公橋 在治東門外舊制平水面

皇清康熙六年水漲傾圮總兵吳之茂改修高數尺無壅患矣

綠塘橋 在治東爲滇黔孔道千溪競匯萬壑爭流舊橋湮沒行旅病涉

皇清康熙八年署府事成都通判馬御世相勢改造

捐俸鳩工砌橋十二洞

桐梓縣關梁未載無考

綏陽縣

桑木關 去縣東十五里通眞安涪州

九杼關 去縣東二十里通婺川

板角關 去縣南二十里通湄潭思石

石卵關 去縣東三十五里通南川

小溪橋 在縣南六里通傘水

永濟橋 去縣西十五里通遵義按明一統志

有永濟橋在真州長官司治南

真安州

土城關 在州治土司招苗守之

蔡家橋 未詳所在

白灘橋 今存亦未詳所在

仁懷縣關梁未載無考

遵義府公署考

府志

本府

遵義府治 在宣仁門內西據勝龍岡舊宣慰司忠孝堂址明萬曆二十八年始建為府三十五年知府孫敏政重修內有大堂川堂後堂前為弘積庫戒石坊露臺鼓樓土地祠寅賓館儀門大門牂牁牌坊申明旌善二亭

皇清康熙二十一年九月內奉頒

御書清慎勤匾額懸掛大堂

同知署 在儀門外左

通判署 在儀門外右

推官署 在儀門外左

經歷司署 在大堂旁左

照磨廳署 在大堂旁右今裁

司獄司署 未設官

陰陽學 在治前

醫學 在治前

僧綱司 在治左

道紀司 在治後

兵備道 在府治右今裁

督學道 康熙七年即舊守道署建

遵義縣治 在府署左康熙二十七年九月內

奉頌

御書清慎勤匾額懸於大堂

常平倉 在縣側

永安公館 舊楊應龍宅制宏麗

湘川驛署 在城內

永安驛署 在治北六十里

烏江驛署 在治西八十里俱毀

義塚 在鳳凰山舊東壇堦計地三畝建立二

處

外州縣

桐梓縣治 康熙二十一年九月內奉頒

御書清慎勤匾額懸於大堂

桐梓驛署 在治北六十里

夜郎驛署 在治北三十里

松坎驛署 在治北一百里

義塚 在北關外計地三畝建立一處

綏陽縣治 康熙二十一年九月內奉頒

御書清慎勤匾額懸於大堂

義塚 在天臺山陳村計地六畝建立二處

真安州治 康熙二十一年九月內奉頒

御書清慎勤匾額懸於大堂

樂源驛署 去治東六十里今毀

樂道驛署 去治西七十里今毀

義塚 在古鳳山計地三畝建立一處

仁懷縣治 康熙二十一年九月內奉頒

御書清慎勤匾額懸於大堂

義塚 在北關外計地三畝建立一處

遵義府學校考

總志府志合載

本府

遵義府儒學 在城外鳳山前明洪武三十年

設播州長官司學永樂四年改宣慰司學萬曆

二十八年改流置府學三十七年知府孫敏政

改建縣署左崇禎十一年知府黃立言知縣胡

崇明仍建城外今地其明倫堂在大殿左東廡

西廡戟門櫺星泮池臥碑禮器樂器庫經籍庫

俱有

皇清康熙二十五年三月內奉頒

御書萬世師表四字匾額懸於正殿

遵義縣儒學 在城外獅子橋南昔原未設

皇清康熙八年署府事成都府通判馬御世申詳巡

撫張德地創建康熙二十五年三月內奉頒

御書萬世師表四字匾額懸於正殿

學田 在縣北五十里羅五壩共一十七畝八

分載糧八錢二分七釐九毫

外州縣

縣志

桐梓縣儒學 在縣署左明萬曆二十九年知

縣王桂建原附府學

皇清康熙初巡撫張德地題請專設康熙二十五年

三月內奉頒

御書萬世師表四字匾額懸於正殿

綏陽縣儒學 明萬曆二十九年知縣詹淑建

原附府學

皇清初始專設康熙二十五年三月內奉頒

御書萬世師表四字匾額懸於正殿

學田 在縣西南三十里金竹朗水一十三畝
七分載糧八錢三分八釐六毫

真安州儒學 舊址在唐都壩相傳唐時建學
於此明萬曆三十年知州郭維屏改建城南門
外一里許三十六年府同知署州事詹淑改於
城內州署右三十七年知州艾應甲重建

皇清康熙二十五年三月內奉頒
御書萬世師表四字匾額懸於正殿

仁懷縣儒學 在分司前知縣陳王道建原附

府學

皇清初始專設康熙二十五年三月內奉頒
御書萬世師表四字匾額懸掛正殿

遵義府賦役考

府志

本府

康熙二十二年奉行清丈至康熙二十一年止

見丈土著開墾新舊上中下田地共五千六百三十五頃三十四畝七分八釐四毫八絲見載稅糧一萬一千九十五石一斗八升四合九勺八抄七粒

見徵大糧銀一萬四千九百九十八兩九錢八分五釐三毫八絲七忽一微四塵

見載人丁七千二百六十二丁六斗九升七合
二勺九抄三撮一圭三粒

見載人丁銀三千七百五十六兩七錢三毫一
絲九忽二微二塵九纖

以上實徵丁條糧銀一萬八千七百五十五兩
六錢八分五釐七毫六忽三微六塵九纖遇閏
月該徵閏銀一千兩四錢九分一釐五毫八絲
六忽九微一塵歲支存留俱無
課程

本城雜稅每年額徵銀二千七百五十六兩一
錢二分一釐四毫

遵義縣

康熙二年起至康熙二十一年止

見丈土著開墾上中下田地共三千四百三十
五頃三十六畝八分二釐上田四百五十頃四
十一畝五分三釐一毫六絲每畝載糧四升五
合共載糧二千二十六石八斗六升八合九勺
二抄二撮

中田六百八十三頃七十三畝三分四釐七毫
每畝載糧三升五合共載糧二千三百九十三
石六升七合一勺四抄五撮

下田九百二十五頃六十三畝一分八釐一毫
三絲每畝載糧二升五合共載糧二千三百一
十四石七升九合五勺三抄二撮五圭

坡地一千三百七十五頃五十八畝七分六釐
一絲每畝載糧五合共載糧六百八十七石七
斗九升三合八勺五圭

見載稅銀七千四百二十一石八斗九合四勺
見徵大糧銀一萬六百四十五兩八錢四分三
釐四毫三忽三微六塵

見載人丁四千三百五十丁二升六合三抄四
撮每丁徵銀四錢六分
見徵丁銀二千一兩一分一釐九毫七絲五忽
六微四塵

以上實徵丁條糧銀一萬二千六百四十六兩
八錢五分五釐二毫七絲九忽遇閏月加徵閏

銀七百四十三兩一分四釐一毫九絲九微六塵二纖歲支存留俱無

課程

場稅每年額徵銀五百八十三兩六錢四釐

桐梓縣

見丈土著開墾上中下田地共六百九頃二十

八畝二分

見載稅糧八百三十二石三斗七升七合七勺

八抄見徵大糧銀一千一百五十七兩八錢三

分七釐四毫九絲一忽九微八塵

見載人丁六百一十五丁三斗五升二合

見徵丁銀二百八十兩三錢九分四釐四毫六

絲七忽

以上實徵丁條糧銀一千四百三十八兩二錢

三分一釐九毫五絲八忽九微八塵遇閏加徵

銀三十五兩六錢一分八釐五毫三絲四忽八

微六塵六纖歲支存留俱無

課程

額稅銀一十四兩四錢

綏陽縣

見丈土著開墾上中下田地共一千二百五頃

八十四畝二分三釐四毫

見載稅糧一千七百二十七石七升七合八勺

七抄三撮七粒

見徵大糧銀二千四百二兩一錢三分七釐九

忽九微九塵七纖

見載人丁一千二百九十五丁三斗一升一合

六勺九抄四撮

見徵丁銀五百九十一兩八分五毫四絲三忽

八微六塵

以上實徵丁條糧銀二千九百九十三兩二錢

一分一釐二毫五絲三忽八微五塵七纖遇閏

加徵銀一百二兩六錢九分七釐九毫四絲一

忽三微三塵一纖歲支存留俱無

課程

額稅銀六十六兩

眞安州

見丈土著開墾田地上中下共一百五十三頃
八十一畝三分八釐六毫

見載稅糧三百七十五石七斗三升七合七勺
九抄

見徵大糧銀三百八十三兩三錢八分二毫九
絲六忽六微一塵九纖

見載人丁四百二十六丁九斗三升三合九勺
一抄九撮五圭

見徵丁條銀二百三十一兩三錢六分八釐一
毫八絲六忽五微七纖

以上實徵丁條糧銀六百一十四兩七錢四分
八釐四毫八絲三忽一微二塵六纖遇閏加徵
銀一十六兩三錢四分六釐五毫二絲三忽五
微六塵八纖歲支存留俱無

課程

茶課銀二兩

仁懷縣

見丈土著開墾上中下田地共二百二十一頃
四畝一分四釐四毫八絲

見載稅糧七百三十八石一斗八升二合一勺
三抄七撮

見徵大糧銀四百九兩七錢九分三釐四毫八
絲五忽一微八塵四纖

見載人丁五百七十五丁八升三合六勺四抄
五撮六圭三粒

見徵丁銀六百五十二兩八錢四分五釐一毫

四絲六忽二微二塵二纖

以上實徵丁條糧銀一千六十二兩六錢三分
八釐六毫三絲一忽四微六纖遇閏加徵銀一
百二兩八錢一分四釐三毫九絲六忽一微八
塵三纖

歲支存留俱無

課程

原額茶課銀一兩六錢九分三釐八毫

鹽引雜稅銀六百一十三兩一錢七分三釐二

毫三絲五忽

茶引稅銀五十兩

茶引二百張每引載茶一百斤徵銀二錢五分
存留歲支俱無

遵義府風俗考

府志

本府

遵義縣附郭

華陽國志婚姻以氈矢為聘粧燕樂以歌舞為
佳會會聚皆重盛服出入喜佩刀劍頗尚學業
少威儀多怯懦

圖經敦龐淳固悉慕華風

四時常春冬不寒冽

男女多樸質人士悅詩書

宦儒戶與漢俗同惟彝人則椎髻披氈

以射獵伐山爲業信巫鬼好詛盟
遵義縣志土闢民聚悅詩書崇儉樸

桐梓縣

崇節儉薄奢侈有淳厚之風

綏陽縣

敦龐醇固耕織爲業

眞安州

以元宵爲年禮天神享歲飯未變故習
樸實敦厚耕耘爲生

仁懷縣

俗醇土厚風氣隆冬不寒

遵義府祠廟考

府志

本府

遵義縣附郭

風雲雷雨山川壇

在治南

社稷壇

在治西

郡厲壇

在治北

城隍祠

在府治西

關帝廟

在東門內

文昌祠

在府治中

三皇廟

在治西

高巖廟 在治東十里

崇德廟 祀秦太守李冰在城南二里縣學右

郡人以六月二十四日神誕祀之

普澤廟 唐經略安撫趙延之水旱禱輒應宋

慶曆間賜廟額普澤封威烈侯明洪武初載在

祀典歲以七月十二日神誕有司具牲醴致祭

在城南二里今廢

忠烈廟 祀宋武翼大夫楊燦度宗賜額忠烈

今廢

志

忠顯廟 祀宋武功大夫楊玠度宗賜額忠顯

今廢

三公生祠 在桃源洞口祀總督侍郎李化龍

總督侍郎王象乾方伯崔應麒

桐梓縣

風雲雷雨山川壇 在西城外

社稷壇 在城南

邑厲壇 在東門外一里

城隍祠 在治左

八蜡廟 在治右

關帝廟 在南門外

虎頭祠 在治西

綏陽縣

風雲雷雨山川壇 在治南

社稷壇 在治北

邑厲壇 在治東北

城隍廟 在治左

八蜡廟 在城中

柳子厚祠 在治西十里

三府祠 在治北趙家里祈禱輒應

真安州

風雲雷雨山川壇 在治北

社稷壇 在治南

城隍廟 在治左

八蜡廟 在城東

仁懷縣

風雲雷雨山川壇 在縣北

社稷壇 在南關外

邑厲壇 在西門外

城隍廟 在治北百武

八蜡廟 在城東

關聖廟 在治西一里

東嶽廟 在治東一里

三府廟 在治城內

寺觀附

本府 遵義縣附郭

萬壽寺 在治北即龍山寺

海潮寺 在海龍地 平播後兵備傅光宅建

大士閣 在府治前

集真觀 在治西明洪武間建

桐梓縣

甘露寺 在三坡砌石為徑高下迥異行人憩

此每苦渴甚副將陳福平寇至此見軍人覓水

弗得為之惻然因建寺一所相巖度勢斲木為

槽引水五里施茶往來恣飲不涸巡撫張德地

查楠經臨憑覽久之因題其名為甘露焉
綏陽縣未載

真安州

本剛寺 康熙七年知州高理重修

仁懷縣

寶象寺 在治內

祝慶寺 在治南

景福寺 在土城里

西禪寺 在二郎里

遵義府驛遞考

府志

本府 遵義縣附郭

湘川驛 在城內

末安驛 在縣北四十里

烏江驛 在縣南八十里

以上三驛每驛扛夫八名共二十四名每名歲

支工食銀七兩二錢共銀一百七十二兩八錢

湘川驛馬二匹末安驛馬二匹烏江無馬每匹

歲支草料銀三十六兩馬夫各一名每名歲支

工食銀二十八兩共銀二百零一兩六錢內減
准復夫馬工食銀二百九十九兩五錢二分遇
閏加銀二十四兩九錢六分

桐梓縣

播川驛 在治內

夜郎驛 在縣北三十里

桐梓驛 在縣北六十里

松坎驛 在縣北一百里

以上四驛每驛募扛夫八名每名歲支工食銀

七兩二錢每驛馬二匹每匹歲支草料銀三十
六兩每驛馬夫一名每名歲支銀二十八兩八
錢遇閏加銀二十四兩二錢四分又按總志每
驛站馬六匹馬夫三名扛夫八名歲支銀三百
六十兩

綏陽縣未載

真安州

樂源驛 在州東六十里

樂道驛 在州西七十里

乘鳳驛 今俱未設

仁懷縣

儒溪驛 在小金沙岡離縣六十里

末鎮驛 在大灣離儒溪六十里

末定驛 在五岔前離末鎮六十里

山盤驛 在山盤前離末定六十里

末定馬二匹馬夫一名儒溪末鎮二驛馬各三匹馬夫各一名半每歲共工食草料銀四百零三兩二錢內裁減准復實支銀三百二十一兩

五錢六分遇閏加銀二十六兩八錢八分

遵義府兵制考

總志

本府

遵義鎮總兵官一員

鎮標中軍管中營遊擊一員 中軍守備一員

左營遊擊一員 中軍守備一員

右營遊擊一員 中軍守備一員

仁懷營守備一員隸遵義鎮

遵義府物產考

府志

府總

斑竹 本府出

犀角 綏陽縣出

雄黃 廢夜郎縣出

文龜 斑布 丹砂 俱廢漆

州出

蜜 茶 蕘

楠木 杉木 楸

熊 府縣俱有

水獺 遵義縣出

荔枝 仁懷縣出

遵義府古蹟考

府志

本府 遵義縣附郭

廢漆州 在府治北二十五里唐貞觀中置宋

景炎中廢

都上廢縣 在舊漆州西南宋宣和中廢

義泉廢縣 在舊漆州西南百里宋宣和中廢

帶水廢縣 在府治北三十里永徽中廢

寧彝廢縣 貞觀初廢

洋川廢縣 在舊漆州西北百里貞觀中廢

高富廢縣 在舊漆州東北百里宣和中廢

白錦堡 去府治北三百里昔楊光榮子孫承

襲守此宋端平中於此置播州

家訓碑 宋楊燦以訓刻石示子孫曰如能順

從則世享福壽

銅佛像 在府治佛光寺內初人見之荒莽中

風雷不可近有異僧命人齋戒往迎置此寺中

銅標 在桃源洞勒平播功明兵備傅光宅建

至善堂 在治內唐大曆中建今廢

威遠樓 在治前洪武年間建今廢

冉璉冉璞故宅 在城東里今地名冉家林

會仙亭 在桃源洞中元大德間建今廢

仙界亭 在桃源洞後都督侯國弼建

觀兵亭 在治東門外侯國弼建

桐梓縣

廢夜郎縣 在桐梓驛址尚存

廢扶歡縣 在夜郎里

廢播川縣 去縣三里

廢鼎山縣 去縣十里

廢溱溪郡 去縣五里

廢南平軍 去縣一百里有址

廢太白宅 在夜郎里隔溪太白書院今廢

竹王祠 在夜郎里

綏陽縣

愚溪書院 在溪源地有柳子厚祠

真安州

廢珍州 在州西南四十里今遺址尚存

樂源廢縣 在州治西七十里今廢

舊州城 偽夏建

樂道書館 在州西七十里漢尹珍建今廢

懷白堂 在州南二十里昔人建以懷李白者

務本堂 在州西六十里漢尹珍因其俗以耕

織為業建此今廢

石城南山砦 鄭昌孫拒元兵處

貫珠亭 在州治南

仁懷縣無考

陵墓附

桐梓縣

漢七王墓 在縣南五里卽竹王父子之墓

餘州縣未載

欽定古今圖書集成方輿彙編職方典

第六百四十卷目錄

遵義府部藝文一

敬陳播地善後事宜疏 明李化龍

平播疏 前人

西南平播碑 蹇達

西南平播碑記 陶望齡

遵義府部藝文二 詩

錦屏山暮景 宋喻汝礪

遵義府部紀事

遵義府部外編

職方典第六百四十卷

遵義府部藝文一

敬陳播地善後事宜疏

明李化龍

查該州地鄰三省然楚止偏橋路通一線蜀與黔蓋無所不接壤夫蜀無藉於播黔瘠壤也若乘此時而割播地以附黔則於蜀無損於黔有裨且臣等別疏又請以楚之四衛並割附之從此黔省幅幘得與十二省比長絜大甚爲長便但盡屬之黔則地方千里諸凡締造勞費尚多亦黔所不能堪因議設爲二府

分隸黔蜀庶建邦啓土各自經營成聚成都指顧可就皇上廓清之績既已盡被於三藩而旻幪之仁又復再造於黔土矣除寬脅從徹兵馬招流移厚賑恤抑兼併靖橫恣等項凡明旨所叮嚀而兵部所條議者俱已陸續舉行尚有後開款目謹集衆思列爲十二事呈覽

一復郡縣播州南極牂牁西連夔道東西廣一千二百二十里南北袤一千四十里漢唐故爲郡縣在川貴之間一都會也至唐乾符間陷於南詔楊端取而

據之今逆酋既平相應改土復流以變彝俗及照播州白田壩沃壤數百里卽播州遵義縣故地當復府治設縣附焉桐梓當綦南之衝走川貴道也舊爲夜郎縣故地當復一縣望草南接婺思北達真涪爲綏陽縣故地當復一縣仁懷濱播枕永襟合帶瀘爲懷陽縣故地當復一縣真州卽古珍州川原平行商販周遊應復一州以上俱隸川省統轄黃平爲川貴要區舊設撫苗通判一員列銜重慶駐鎮彼中與播勢相控馭並爲重地應設一府湄潭龍泉地里廣邈各

應建設一縣甕水重安合設一縣餘慶白泥合設一縣并草塘容山二司應割隸各縣以上地方去黔甚邇相應改隸貴州統轄總計增府二州一縣八蓋亂流初殄地闊人稀姑建數城以爲繫屬以後地闊民聚無妨增設其二府治與附郭縣分正佐首領各應照例全設外州縣正佐首領俱應量減

一設屯衛播州地方千里山川險惡彝漢雜居又逼鄰二大土司時有啓疆之志必須設官軍建屯衛以明居重馭輕之勢應設一衛於白田壩與府同城指

揮使一員同知二員僉事二員鎮撫一員經歷一員知事一員所屬前後中左右五所每所正千戶一員副千戶一員百戶四員所軍各一千共五千衛所官於從征有功者酌量陞授不足者於鄰近願入者調取移實之其邊隅逼鄰土司地方各設屯田每軍照祖制二十四畝再加六畝爲冬衣布花之費其三十畝卽自種自食不必納糧於官又復領出紛紛滋弊各開屯處除養屯兵之外餘田仍照民地起科上納本折於各州縣爲衛官俸廩及不時軍興之用每年

孟冬仲冬孟春仲春農隙各屯官時加操練又以十月二月望日齊赴兵備道大操三日驗其武藝較其強弱而明賞罰焉老弱者汰之一屯老弱者多並革其官軍田即另募壯丁補伍庶軍得實用異時即募兵散盡此五千軍與主兵三千自有八千可用之兵矣

一設兵備播地三面環彝干戈甫戢當此經綸草昧之始設立有司可以招撫流亾或未能長駕遠馭而圖久安布置將領可以備禦倉卒或易於生事徼功

而開邊釁欲以內修戎備外攝彝心整肅諸方讐服衆志為地方長久之計必設分巡兼兵備官一員於播州白田壩新建府城駐劄專一整飭新復郡縣并重慶衛忠黔二所永寧酉陽石砭平邑等土司兵務兼理有司錢糧獄訟其重慶府巴縣綦江南川涪州武隆彭水切鄰地方悉聽管轄以便行事黃平新設一府四縣雖割屬貴州但人心初附田土比連與貴州水西宣慰司並聽兼制
一設將領播淪於彝閱八百餘年風俗獷悍法令扞

格已久今地雖蕩平而逋孽潛藏漢彝錯雜招苗樹黨越界侵田時所必有今議播州留兵一萬黃平留兵三千粗足防守然必得一大將鎮之始可無事查得先年克平九絲議留總兵一員鎮守其地今建武視播稍緩卽一叅遊足領之合無將軍門標下添設練兵遊擊一員改駐建武防守原設總兵移鎮播地應留各兵挑揀家丁三千買馬三百內標下挑揀家丁二千七百馬二百七十以坐營千把總領之兵道員下家丁三百馬三十以中軍領之有事俱聽總兵

提調名爲正兵此外兵七千酌量分布於白田壩眞州桐梓等縣播川等驛防守內以一遊擊領三千以二守備各領二千各用千把總分領之有事征戰無事卽爲築城鑿池建郡縣修郵驛之用糧銀照依舊例支發徐俟建置竣工日除家丁三千馬三百外餘軍以次議徹有願附籍當軍及爲民當差者聽千把總俱於附近衛所官內選用其黃平畱兵三千仍設一叅將領之總聽防播總兵節制一急選調郡縣旣復應設正佐官員分理庶務緣地

古今圖書集成
方初定需人爲急若非掄擇自近亦何濟於目前臣等再四諮詢如龍安府同知劉安仁爽朗特達之才果毅真誠之品器宜盤錯力裕助勦堪任新設播州知府重慶府同知王陞烏蒙府通判劉之瀾雅抱練達之才均有循良之政俱堪新府佐貳劍州知州陳應楨才稱老練事有調停南溪縣知縣寇克順彭山縣知縣何珩並有才華夙聞牧愛原任資陽縣知縣詹淑初以木務論調繼畱征播管餉實心幹濟頗效勤勞宜賓縣縣丞曹一科才思開爽衆號曰能以上

各官俱堪各州縣正官但草昧經營人不樂就應從優陟用示激勸臣又查得附近地方佐領等官頗有幹才堪以集事者如經歷楊體寬等數員俱應爲新地佐領之用臣已經行令各官一面權宜任事凡相度地形建立衙門修築城池清理疆界丈量田土召民受廛按籍編戶一切撫摩禁戢事宜但有利於生民裨於新鎮者俱聽公同在事文武悉心料理務臻實效去後仍請著爲令如三年之後政績有成別無他過卽照格超陞以酬其勞黃平新府并屬縣正佐

古今圖書集成
除貴州撫按題有應補人員外未足者及播州新府
推官新衛經歷知事附郭新縣主簿等官應卽銓補
其兵備員缺臣查得兵巡下川東道僉事徐仲佳大
器如萬斛之舟朗識若九秋之鑑飭邊防則恩威並
懋理播事則勞怨不辭况前委南川一路糧運時當
戎馬倥偬之際不動聲色大事克濟卓然爲四路首
稱允爲遺大投艱之選應將本官加陞四川按察司
副使職銜管理分巡及整飭播州等處兵備庶便彈
壓至於總兵付託尤重臣等查得鎮守貴州總兵官

李應祥兼才允武允文臨事有謀有勇勞謙不伐廉
節獨高所當改爲鎮守四川總兵駐劄播州以綏蠻
俗又查得軍門標下守備江萬化橫草雄心穿楊絕
技赴赴千人可廢桓桓一旅爭先堪陞遊擊職銜赴
播領兵建越提調劉勝久著戰功能嚴軍令宜授領
兵守備尚少一員容臣徑行查委通乞勅下吏兵二
部再加酌議將各官查照擬定員缺就近推補黃平
叅將亦聽貴州就近議補行令速赴任事各官勅書
符驗併請填給其各府州縣衛所儒學與首領司獄

倉庫等衙門應用吏役聽布政司註撥

一丈田糧環播幅頓千里田地無慮數千萬畝舊時額糧止歲以五千八百石輸貴州蓋蠻方賦稅原輕至應龍巧立新法名曰等竇每田一畝徵銀數錢初猶斂其財以招苗後並奪其地以養苗而賦法蕩然盡矣今既改流自當責成道府親率州縣官插定疆界沿丘履畝逐一丈量分爲等則造冊呈報以定賦法第額糧輕重蜀無定規查克平九絲丈量田地分別上中下三等每畝上田四升中田三升下田二升

播地山水間雜不止三等尚有上上下下者宜逐項分析最上者一畝可當上田幾畝最下者幾畝可當下田一畝則待臨時斟定難以豫計丈完總計田地若干糧若干徵本色若干折色若干候二年之外起科除足一年夏秋二稅銀力二差一切雜費外餘解布政司充邊餉支用

一限田制播土舊民自逆酋唱亂大兵征討之餘僅存十之一二遺棄田地多無主人冊籍不存疆界莫考復業之民往往冒認影占原少報多原瘠報肥甚

古今圖書集成
至一人占田一二千畝尚有異省流徒假播籍而希
冒占者今應將播之舊民號楊保子者查果真的無
論原業肥瘠俱人給田三十畝上中下攙配均給若
一處皆上田皆下田者臨時酌給大率純下田不得
多過一百畝純上田不得少過二十畝其原非播民
凡不能爲楊保語者無問曾否寄住皆不得妄認遺
下無主民田另行招人承種納糧當差應龍官莊並
楊兆龍田一鵬何漢良等諸擒斬過有名頭人莊田
盡數沒官聽三省之民願占籍播州者承種其領地

之人查照時值量行上納以充日下建立城池衙門
驛傳諸費亦定爲限制平人不得過五十畝指揮千
百戶不得過百畝俱於丈量時定糧定價令不得那
移州縣官收過絕產價值給付印契登入循環聽兵
備道稽查轉報撫按查考官吏乾沒從重治罪
一設學校播故有學宋元之世俊茂朋興如冉從周
尤道明白鎮之流俱登進士蜚聲上國自逆龍禁錮
文字寇讎儒生坑儒燔書禍同秦始今干戈旣戢文
教宜先白田黃平舊有學宮補葺亦易特當於二府

原學各補教授一員訓導二員至博士弟子員無論附郭外縣但入學使之選者蜀新四縣隸白田學黔新四縣隸黃平學待各縣人文漸盛物力稍紓嗣各立學未晚真州既改爲流其地方殷富人物適華亦須建一學宮設一學正以示維新之化

一復驛站播州各驛自逆酋閉關負固驛官不敢赴任過客不敢經行站戶逃徙館舍丘墟十數年矣茲者地方底定道路大通驛站之設勢不容已查播州舊轄松坎桐梓播川永安湘川烏江昌田沙溪仁水

湄潭鰲溪岑黃白泥一十三驛俱當川貴孔道所有各該驛館應趁時興工合用匠役亦於兵夫內查有慣造者徑撥不足者於附近州縣取用工食銀米計算於該邊支剩軍餉內動支仍責成新設府佐一員往來稽督不許虛冒錢糧曠廢時日事完冊報又查各驛夫馬支應及官吏俸薪舊額上司供辦今既改土設流似應與腹裏驛站一體僉派但流民授田方始難便買馬行差目前一切站銀暫應官爲出辦俟里甲稍定卽行編派至於夫馬額數應照衝僻爲準

古今圖書集成
湘川驛附郭爲四路最衝應設馬四十匹夫八十名
松坎桐梓播川永安四驛地衝路險應各設馬三十
匹夫五十名烏江仁水湄潭岑黃鰲溪白泥各驛俱
次衝應設馬各二十匹夫各三十名昌田沙溪止通
水西次僻應設馬各十匹夫各二十名各驛官見在
者行令赴驛任事驛吏因屬土司舊未撥發今應行
川貴兩省布政司照缺查撥

一建城垣播州一府一州四縣與黃平一府四縣並
宜改築石城石少者以磚代之其兵備道總兵并府

衛州縣衙門公署倉廩庫獄城隍廟演武場與一府
一州儒學殿廡齋舍等項俱當以次修舉而各官一
抵地方棲身爲急衙舍之建尤宜首圖須令各府州
縣尅期興工多方稽督大約城垣以二十九年二月
內起工限本年年終落成餘各以次修舉就中員役
有敢怠惰冒破工力草率畢事者俱聽該道叅詳拿
究事竣之日造冊報撫按衙門奏繳庶險要可資防
禦有賴

一順彝情播州皆彝也大兵之後爲賊用力者芟彝

古今圖書集成
蘊崇蠻無遺種今見在者曰各司土官曰七姓奏民
曰投降彝日皆宜安插得所顧就中情事不同亦宜
分別如八司曰播州真州白泥餘慶草塘黃平重安
容山內安撫二長官六又一司曰甕水原無印信亦
稱長官又有宣慰同知羅氏此皆世有官號與播並
建者播州長官王積仁以附播被擒獻俘已與楊氏
俱滅真州附播多年綦江之破助兵三百著在耳目
同知羅氏與江外五司具疏改流挑怨速禍致有今
日之事海內震動流血千里則諸司者罪之魁也故

說者謂真州宜正其附播之罪江外諸司宜以起釁
絕之第王道如天罰宜從輕賞宜從重真州當進兵
之初率先歸附正副長官各以千人從軍江外諸司
各招兵聚義充黔楚鄉導今將真州正長官卽爲該
州土同知副長官卽爲土判官江外諸司安撫與正
長官卽爲該縣土縣丞副長官卽爲土主簿同知羅
氏爲新府土知事此外尚有投降彝日原非長官本
無冠帶但賞格方坐名開諭輒爾先事歸義亦宜少
示眷酬以明恩信如上赤水里頭日袁年父遭酷禍

古今圖書集成
投降最早宜授所鎮撫職銜下赤水里頭日袁鏊仁
懷里頭日王繼先安羅二村頭日羅國明羅國顯安
鑾以上五名念其返邪歸正量授冠帶總旗諸人田
產止將本身者照冊撥給應納稅糧通附州縣官處
上納其餘里人俱令附籍納糧當差不許仍以家人
爲名恣行霸占違者治其前罪至於七姓奏民始助
楊氏之惡繼傾楊氏之族尤爲禍首今蒙王仁寬宥
外如仍蹈故習豪橫害民該道徑行拿問發落地方
人民指稱前事告害者亦如之

一正疆域播地東北接連三省縣衛各有疆界無容
濶淆西南左接水西右逼永寧雖犬牙相攙未能齊
一然畫野分疆亦自有相沿界至唯是彝性互爲雄
長強則侵凌弱則減削甚至有一地而甲乙互臨一
人而齊楚兼事如儒溪沙溪水煙天旺皆播州五十
四里之數見有黃冊可考緝麻山李博埡仁懷石寶
甕平等處亦皆播州世業祇緣先年楊氏中衰時曾
爲永寧水西侵占後應龍當事治兵相攻恢復故業
各邊日又已任其糧馬兩下支持此在土司可也今

既改土設流自宜各復其故乃水西比求清查永寧
輒行瀆擾且動以瓜分爲言罔上行私垂涎占業應
行該道會同鄰近道分及早清查一切相鄰地方原
係播者歸播原係永寧水西者歸奢安刻石立碑永
爲遵守其鄰邊日把如不安分義妄肆侵爭重行究
治干碍土官一並叅處

平播疏

前人

看得楊酋匪茹與國爲仇萬姓荼毒三省震驚孰不
以爲不可以歲月克者乃自出師以來甫三月有奇

而元兇授首黨與悉擒千年虎狼盤踞之窟一旦掃
蕩無遺上足以伸中國之威下足以洩生靈之憤其
他狡黠土司獷悍惡苗無不落魄亡魂西南半壁天
下可永無虞矣朝廷威福本部院方略所致斷非文
武將吏敢貪天功爲己力者惟是各官兵暴露行間
勞苦萬狀不可不查敘也先是臣奉命入川賊知罪
在不赦已統兵深入有擒王勦叛之說遂破綦江且
逼重慶地方洶洶皆謂有長驅之志於時目前兵力
略無可恃臣乃以計緩之一面調兵一面移文詰責

古今圖書集成
若未嘗絕之者賊果信之卽具文求撫且不西向臣
因得以徵調漢土諸兵急爲之備其時賊氣張甚川
人畏之如虎臣發成都兵甫出門欲投錦江不復肯
東又聞綦江城守兵見賊來競譟而走多投水者止
餘二將與其家丁遂及於難臣念漢兵心膽已碎土
兵狐兔有情自非召客兵不可因請調陝浙諸省兵
又念外兵之費甚侈往來塗次且生擾是不可多因
於每省鎮止調一二千多者三千共數省實僅二萬
其餘仍三省及滇粵土兵也然西南人見外兵來莫

測多少以爲天下之兵皆至矣自是漢兵之氣壯而
土兵之心亦折無不樂爲我用者時賊雖知調兵然
以爲虛聲嚇之如往日非實事也臣亦止在成都積
糧治器若無事然不復東賊亦不疑北兵且集臣移
駐重慶賊始知必勦頗肆衝突然我兵漸益未易得
志也臣又念兵以一路進旣道狹不能容一有前卻
不可復振因分爲八路又念路分而兵少賊厚其陣
以衝之敗矣因令每路皆三萬以上每一路皆可以
當其全師又念關外賊黨多不可勝誅會兵部頒賞

古今圖書集成
格至首重招降臣益推廣之但投戈者皆赦不誅臣
又念兵無賞兵不往會兵部賞格首言得賊者卽以
其家資與之臣益推廣之克關破圍各懸賞賞各以
千萬計既川兵入關臣又恐其人自爲心若九節度
之師然因復委按察使張悌入營監之殺牲蒞盟務
必得賊臣又恐賊事急詐降得以遷延至暑雨漸深
我兵不能久因令但急攻之有稱降者斬使焚書無
爲所紿時湖貴之兵亦至圍下臣欲入營親監之會
聞先臣之訃臣恐營中遂懈惰不可用因不待成服

跣而草檄示以例應候代照常督兵有慢令者尚方
具在令代中軍余德榮等再往監之臣又念賊圍後
易攻圍前難攻時諸將壁圍下者各有分地因令以
勁兵一枝壁其前其餘併力於後臣又恐諸軍士爭
趨賊財物或至亂行致有他虞因移文再四申禁臣
又聞營中流言水西日把尚不絕賊恐漏軍情因移
文令其退劄水西土官懼撤其兵退而引嫌曰吾不
欲爲亡播之續也時久雨兵士日在泥淖中至六月
之初四而天忽晴初五日遂破其二城初六日遂登

古今圖書集成
其圍賊以滅亡總計八路生擒賊首賊從一千一百二十四名斬級二萬二千六百八十九顆俘獲賊屬五千五百三十九名口招降播民一十二萬六千二百一十一名口全活被鹵男婦一千六十四名奪獲馬牛七百六十七匹隻器械四千四百四十四件是役也自賊破綦江至勦滅可一年自進兵至滅賊百十有四日當八路對壘時土漢兵旣參差不齊諸將領亦彼此觀望播人怯於賊之積威人自爲戰未易卽克我各路又糧運艱難時有脫巾之呼臣日夜催

督走使馳檄至數百千卽兩省撫臣各路鎮道亦靡不忘寢忘食或至頭髮爲白總之諸文武知廟堂之意必欲滅賊故鼓之卽應勞之不怨誅罰之亦無敢囁嚅者倘更一月而賊不滅暑雨久瘴疫深我兵自潰無問賊矣該臣會同巡撫貴州郭子章巡撫湖廣支可大巡撫偏沅江鐸議照國家方制萬里日所出入之邦悉爲郡縣獨西南諸省不廢土司蓋亦曰因俗而治與之相安云爾二百年來此輩犬羊之性不堪馴擾亦時有之然未有若播酋楊應龍之公然叛

逆者則何也蓋其地險其兵強其財力足以使鬼通神其聲勢足以呼羣嘯黨加以年來方寓多事九伐之旌未遑南指彼遂時時狂逞亦遂時時得志井蛙之見謂縣官真無奈我何諸羣不逞如楊珠楊明何漢良孫時泰等矚其雄心或時有以公孫躍馬尉佗自王之說進者賊亦念騎虎勢不得下將曰等死無且舉大名乎於是乎恣其狂圖淫怒以逞而破城殺將鵠起西南之勢成矣夫天下非小弱也九州四海兵非少糧非乏也向賊逆形未著皇上不忍遽觀之

兵曰吾且舞干吾且解網姑俟其悔過而與之相安於無事乃不謂兇人之性不移也始天怒赫然斷在必勦夫斷而敢行鬼神避之況此么麼者乎蓋自進勦之旨下尚方之劔頽然後海內熊虎之師如雲而集陳紅之粟蔽江而上智士陳謀勇夫効力火燎毛山壓卵賊卽欲不灰飛煙滅亦曷可得已臣嘗卽諸路之功而評敘之在四川則楠木三峒賊黨以爲三窟謂天險不可升者也婁山關賊前門我所必由賊所必爭者也海龍囤賊以爲天造地設人跡所必不

古今圖書集成
能到兵力所必不能加者也三戰而三克之賊力竭矣不亾何待夫賊黨自戰其地猶易與也唯賊父子親在行間則諸賊人人致死難與爭鋒該路到處與賊父子對壘最快者九盤子之戰賊悉其精銳以付朝棟令之從綦江進從南川回此其目中尚復有官兵乎劉綖一戰而走之自是播人爲之破膽尤快者諸軍壁海龍岡下連月不拔綖至一日而克其二城賊遂滅亾至今群口囂囂然竟無敢沒其先登之烈者兵法無選鋒曰北綖於諸路其選鋒乎則綦江路

之功也臣嘗言破賊關外宜招降謂多不可勝誅也關內宜疾戰謂師不可老也安羅陶洪三寨生口以數萬計勝兵以數千計令貪功者以大兵初入必且多殺以報捷勝之則傷仁不勝則損威矣而該路坐受其降兵不血刃自是一戰而斬郭通緒再戰而入崖門關三戰而屢捷於水牛塘賊計無復之遂父子相哭而上圍矣當其戰水牛塘時川兵入關去圍尚遠湖貴兵在關外絕不相聞吳廣以孤軍去圍數十里而結營犯兵法之所忌而卒以得志自非其令嚴

而戰力當不及此後雖以講降誤事然有激而奮竟以成功逆賊父子盡獲其首終不失爲全捷則永合路之功也南川路最險最遠去圍可六七百里賊以爲官軍必不能從此進當馬孔英之未至也高折枝以一書生請自將士漢兵以往此固已雄偉不常矣乃師期一月之前先擣官壩營以寒賊膽而撤回其龍泉之兵且以解思石之危其事甚奇其功甚大比進兵從真州入真人則箠食壺漿以迎播人則棄甲曳兵而走居然有三代氣象時諸將方欲候各路消

息方入關折枝彝然曰若是則誰爲當先入者策馬而前衆隨其後竟以三月初八日奪桑木關而據之臣用是以催各路尚有以四月入者令諸將皆折枝諸路皆南川滅賊當更速抵關而馬孔英至則文武相得如樂之和自是日日約各路攻圍有應有不應甚或以相誹詈而折枝不顧也分攻令下諸將爭走後門該路獨壁前門夫後門我易攻賊前門賊易衝我彼亦曰誰爲宜當賊衝者蓋亦先入關之意乎破圍之役後門以二路更番前門以一路搏戰日夜揮

戈人百其勇坐使賊自盡而逆黨無一逸者總之倡諸路之先作三軍之氣令黠師不得以賊強我弱借口而竟以奏功臣於該路文武蓋心折焉則南川路之功也在湖廣則偏橋一路江外爲四牌江內爲七牌皆五司遺種九股惡苗盤據糾結乎其間四牌不掃卽武騎千羣未易窺三渡也陳璘獨以一旅之師先掃四牌開我進兵之路用是烏江內外賊黨寒心長坎瑪瑙青蛇三國自昔以爲險絕官兵所從未得志者臣亦慮其難下令降之璘以爲除惡務盡竟一

鼓而升其巔殺戮數千臭聞十里時龍泉哨施南兵亦已先克板角關至今白泥湄潭之間四牌七牌之苗遂無遺種非璘之力不及此該路漢兵少土兵多糧運少遲便成譟呼璘令嚴而法肅卒能使之用命而不爲害迨至克關逼囤議設木柵制鐵牌以防賊逸其機智有足多者卒以入虎穴得虎子闔人綉女纍纍在俘良快人意則偏橋路之功也貴州各路與川湖不同其地近其兵少其餉乏其彝情反覆而靡常其民心搖惑而不定茲之用兵又非以一淬厲一

鼓舞之爲兢兢者烏江失律已見法矣然借是以激
勵水西俾之絕狐兔之情踐虎狼之窟母氏圍一戰
大足褫逆酋之魄而奪之氣此則失之武人得之文
吏蓋運籌者之苦心乎李應祥以孤危之兵當艱施
之時能自審於緩急進止之間以守爲戰以招撫爲
進攻卒之轉弱爲強揚旌直指斬首數百招降數萬
因破諸囤斬三渡抵白田何其壯也竟以連合川兵
同心戮力破重城俘羣醜振積弱之邦舒華夏之氣
始如處女繼如脫兔茲其審於機而神於用豈易得

哉則平越烏江沙溪諸路之功也夫我國家從來用
兵未有大得志於西南彝者也國初傅友德統二十
四將軍止言防守未聞戡定正統間麓川之役用兵
五十萬轉餉半天下陞敘萬人三返而罪人竟逸嘉
靖初思田之役以勦始以撫終至今爲諸彝借口茲
其大致可觀已諸帥故中庸人臣等三五書生耳其
智略才力不及古人遠甚乃兵纔逾二十萬進兵纔
逾百日費纔逾二百萬而倖以成功此非臣等之力
皆由我皇上神武獨斷委任不疑用是文武同心將

古今圖書集成
士効死爰有成績臣每誦詔旨卽十行之札萬里之外往往曙於指掌而析於毫毛輒沾沾自得以爲賊平矣已戰勝於堂上矣夫淮蔡之平直須一斷何況今廟謨詳一若此哉

西南平播碑

蹇達

皇帝聖神文武輯寧宇內華夏蠻貊罔不率俾獨蜀徼播賊楊應龍憑險負固輒縱其部落屠剔我邊毗直指王公趙公先後以疏聞上一再聽督撫諸臣相機撫處舞干敷德不欲遽勤兵也賊愈恣叛逆飛練

之役敢格殺我戰士且及材官矣諫議張公以疏請上西顧宵衣謂今御史大夫兼右司馬長垣李公故以中丞撫邊屢奏膚功特允廷推起公於家以少司馬兼大中丞總督四川湖廣貴州軍務公以己亥六月初十日兼程臨成都賊再屠綦江城叅將房嘉寵故遊擊張良賢死之公督藩臬諸大夫亟議所以足兵足餉之策疏請速勦尋直指崔公按蜀疏奏一如公議上悉嘉納聽公便宜行事大學士趙公沈公協襄宸斷大司馬田公早決訐謨大司農陳公預發兵

古今圖書集成
餉太宰李公御史大夫溫公掄才經畫蓋自九列而
下無不念明主宵旰冀西土廓清者公乃以計緩賊
迄所徵漢土兵雲集公分蜀黔楚進兵爲八路四川
以綦江路屬總兵官劉綎合江路屬總兵官吳廣永
寧路屬原任副總兵曹希彬南川路屬聽用總兵官
馬孔英以叅政張君棟護綦南謝君詔護永合軍事
叅政張君文耀叅議劉君一相副使史君旌賢僉事
徐君仲佳督餉兼紀功總餉兵於成都則左布政使
前程君正誼今盛君世承按察司沈君季文紀功於

渝則叅政王君嘉謨副使傅君良諫督餉永合則叅
議熊君寧奇若渝守傅君光宅分理四路餉兵推官
高折枝並贊理南川路監紀之事其黔楚二鎮則貴
州烏江沙溪平越爲三路屬總兵官李應祥以按察
使楊君寅秋叅議張君存意護軍事督餉兼紀功則
以叅政郭君廷良副使洪君澄源尤君錫類叅議梅
君國樓湖廣偏橋爲一路屬總兵官陳璘以按察使
胡君桂芳叅議魏君養蒙護軍事督餉兼紀功則以
叅政詹君啓東副使王君應麟路君雲龍陳君與相

古今圖書集成
蓋中丞郭公支公並以咨會受公成焉公以十二月二十三日移鎮重慶庚子正月十五日奉賜劔登壇而盟曰皇帝憫西南赤子爲播賊所荼毒無寧歲所委任責成者甚重若等助哉其一乃心力以相予行天罰不則三尺具在不敢私至以主辱臣死自盟諸將士聞之無不感動願爲公盡力者公又熟計征播主殲渠魁而海龍囤夙稱天險逆賊謂此囤不可升必據囤以延須臾之死必諸將集囤下乃可協擒而楠木山羊簡臺等洞爲逋逃淵藪婁山崖門桑木等

關爲逆賊門戶方擁悍苗以死守非有先入關者何以鼓衆志而速成功此其責在蜀將湖廣偏橋內外俱九股苗遺種恃賊爲外援內四牌不掃卽三渡未易窺無由抵海龍囤貴州彝狡而兵寡兼苦軍興又水西與逆賊世依唇齒必操縱在我始足以折安酋而奪逆賊之氣是又楚黔諸將之責因進綖及廣等檄麟及應祥等授以石畫郭公支公並以機宜示黔楚諸將諸將奉約惟謹以二月十二日遵令進兵總計八路溪土及燕趙越粵秦汴滇南馬步卒二十餘

萬督餉張君等焦思蒿日會不後時師行糧從戰士
踴躍故鷹揚虎賁朱鍤漆甲並盪摩朗耀於巴渝黔
楚間焉一切零賊諸路日多斬獲其自縛請降者悉
受而生全之二月十四日縉督兵攻楠木山羊簡臺
等洞破之迨朝棟率諸苗衝營縉復督勁兵大破之
而桑木關山險箐深仰攻爲難折枝祇奉公檄身先
叅將周國柱等前已大破賊於官壩營望草壩遂乘
勝衝關之左右兼擣其中以三月初八日破桑木關
適孔英至自關中又敗賊於金子壩蓋南川路視諸

將先登入關二十九日縉亦破婁山關矣四月初一
日廣兵薄崖門郭通緒者敢戰當關廣伏兵攢槊刺
之以初四日破崖門關再力戰於水牛塘因據三圓
山山倚海龍囤高囤數十仞賊所恃爲左右望者部
苗萬餘列柵堅守廣督希彬等奪以勁兵而綦南二
路仍各發兵三千助之遂據此山之上俯視囤中樵
汲從此斷絕而南川路衝其前鋒綦江路爲左右翼
擊賊未合二路并攻復連破養馬養鷄等城海門龍
鳳等關賊不復敢格鬪洒淚率妻子夜退棲囤上而

古今圖書集成
以鐵鑄關爲守固倚諸崇山又鬼方多淫雨白日晦
冥兵將集固外未敢先發先是崔公甫臨成都卽移
檄諸將不許干後時之誅公慮蜀四路各自爲心檄
按察使張君悌糾合諸將綖及廣等督兵夾攻鐵鑄
關破之雖賊黨已奔潰而固前重岡複嶺較固後尤
甚賊日夜守以梟鷲藏礮伏弩俯瞰我兵分擊之如
甬以是將兵盡銳仰攻尚未遽克適公聞先大夫艱
又慮諸將解體投淚草檄刻期破固且懸重賞激先
登者並檄責廣充爲事官以懲其報會死之誤崔公

吏嚴檄諸將急攻毋爲賊誘諸將愈人人畏罪會璘
前受計于公支公及直指王公檄責竟以一旅之師
掃九股苗開路進兵而中丞江公以撫偏沅臨鎮復
與公及支公計合遂連破長坎瑪瑙青蛇三固所向
無前公郭公操縱水西直指宋公並嚴檄諸將吏使
水西大敗賊于母氏固殲虎翼以寒賊膽而應祥又
以招撫爲進攻連破諸固入三渡關抵白田壩與璘
俱集固下護軍張君等遵公指授會五總兵督各路
副叅遊守暨宣慰等輪日協攻先之以綖及應祥繼

古今圖書集成
之以璘及廣所將兵攻其後折枝孔英督各漢土兵
攻其前以六月初五日縱等前後夾攻破其二城初
六日廣及璘協攻而六路兵亦爭先以雲梯攀援而
上逆賊橫槊四顧無一死黨計無復之始雉經而死
廣兵及各路兵於烈焰中取酋尸一軀兼縛田氏朝
棟兆龍等而巨黨何漢良田一鵬孫時太馬千駟等
一一面縛賊遂無噍類矣是役也獲大賊首一生擒
賊首一千二百餘名斬級二萬二千六百計俘獲賊
屬五千五百計招降男婦十二萬六千計全獲被擄

男婦一千計拓地千餘里公露布以聞獻俘京師上
大悅以平播功告廟百官畢賀斬朝棟等於市已頒
詔海內及巡按御史公勘報績制府中丞列鎮監司
而下論功爵賞有差初播州故爲漢唐郡縣自乾符
間陷於南詔楊端取而據之遂爲獷穴公議改土設
流爲府二州一縣八衛一特請於上易府名遵義平
越列雉爲城設總兵憲使坐鎮之仍設學置博士弟
子員于是修文偃武綏輯遐毗仁懷珍州之間稱一
都會焉夫西南諸彝盤踞于萬峯疊嶺中緩之則怒

古今圖書集成
臂吠聲毒我邊疆討之則據險憑寨踉蹌而鬪敗則
豕奔鼠竄窮蒐曠日故自古用兵未有甚得志者毋
論麓川之役罪人竟漏天誅卽正統間蜀都蠻爲梗
大司馬提虎旅十八萬討之久而始克然根株未撼
俄復嘯聚彝患所由來矣方逆酋之捍文網也一再
撫之不效自宜改絃乃當事者顧忌于徐迄酋盈惡
逆逞又倉皇加兵漸損威重公初臨錦官料賊情如
觀火操成算若析薪賊已在公掌握中矣第蜀往歲
平蠻多藉兵於土司見無他兵可恃所調土兵含悲

狐兔且視以爲奇貨陽戰而陰利之甚至藉口乏餉
濡滯遷延卽幸而成功又皆謂吾土兵之力寧復知
縣官哉公是以請調客兵雖數止二萬而先聲叵測
蜀漢兵謂四方兵且至其氣愈壯重以餽糧惟時土
兵亦無敢桀驁卒相濟以成功而默消諸酋長跋扈
飛揚之心所爲國家慮爲西南慮者何其忠懇也計
兵二十餘萬日費二千金稍淹歲時遽滋勞費公苦
心殫力所以激將士之用命折債帥之邪謀散羽翼
之羣兇寢鄰酋之陰庇者率炳幾先而冥中其會故

師期僅及三月費僅踰一百萬而殲八百年大憝若摧枯拉朽且拓地張官一以中國之治治之瘴雨蠻烟之鄉未爲樂土公之功不弘且遠哉而公不自功也蓋昔召公受命平淮夷故其詩曰明明天子令聞不已而凡此蔡功韓愈獨以不赦不疑歸美於憲宗之斷豈不以武功告成固召公裴度之勞然非周宣唐憲知人善任亦曷以臻茲哉上御寓中興媲美周宣非憲宗所敢望而平播之伐知人善任則與召裴之平淮蔡異代同符公曰非臣與諸將士之功而皇

上之功有味哉公之疏也大臣不當如是耶播故在渝境渝人尤覩播功而感公賜沅陵張公舊以巴令垂聲茲則以播之役自粵西移渝而佐公運籌轉餉奏功者謂合守知巴縣事葉聯芳宜伐塗山之石紀功勒名以永渝人之思而謂不佞達宜有言遂悉其顛末而銘之其辭曰惟皇憲天秋殺春生九夏八埏快覩昇平么麼小醜蕞爾夜郎狼毒我毗猊闖我疆帝謂蠢蠻且無窮武其命諸臣相機撫處舞干解網仁自舜湯彼昏無忌敢逆顏行臺省疊聞皇赫斯怒

古今圖書集成
心膂股肱訐謨以助乃命司馬汝往專征國之大事
尚方寶劍特茲以賜公拜稽首夙駕渝州闕外集思
帷中運籌插羽徵兵飛檄督餉矢天誓師開誠命將
桓桓元戎洸洸武夫如熊如羆臨坤之隅組練生光
馬騰士飽鼓行無前魂銷羣獠旣斬層關遂拔列城
風鶴咸順草木皆兵魑魅徽縻寨柵披裂取彼凶殘
鎡膏刃血累卵一髮賊勢瀕危尚倚兔窟螳臂以支
我武載揚霆擊雷磕會以六師圍之三匝黨惡千羣
駢首伏鈇疾若呼風易若摧枯黔旅重來楚歌四起

盡赭其山兼赤其水殲厥渠魁縛彼羣凶脅從罔治
巢穴都空於疆於理乃文乃武漢官重列威儀再覩
柔葉沃壤而織而耕歸馬放牛絃管春城昔也播地
猿啼虎視今也市塵龍編鱗次昔也播人畏首懷疑
今也飡粥鼓腹含嬉昔也播俗鳩舌馬革今也文物
詩書縫掖播人自謂西南諸彝陽收羽翼陰實傾離
彼昏鞠頑天奪之魄竟墮術中遂取族赤威靈濯濯
王道平平逆則誅鋤順則生全轉相告語強衆弱寡
強且不支弱何爲者自時厥後誰敢不共覆車不遠

鑒此應龍露布星馳夜同清晝共識天顏喜茲凱奏
公躬踧踖匪臣之力獨蒙聖斷乃得稱塞帝謂司馬
惟汝元忠克茲壯猷奏是膚功甫出東山遽安西土
召虎晉公異代爲伍赫赫奕奕公功之垂繼繼承承
蜀人之思采之輿論銘之野史億千萬年塗山巴水
西南平播碑記
陶望齡

厥地顯襲朝號內相君民區裂版章以淪荒裔歷宋
暨元羈縻弗絕雖聖人繼起洗濯腥穢包併荒遠猶
取其貌恭因而建置蓋仍往宜今苟便民俗而已至
今皇帝御寓神武英斷威德醲鬯仁風旣宣義殺時
舉遂乃誅夏戡倭抗強獷植單弱參代順健旬始隕
消維播孽應龍怙其昏嚚湮滅彝紀禍芽帷牆以條
以蔓天緣姻黨遂延毗黎七姓五司逢其蠱螫咸仰
天搶地而呼曰吾君乎匪覆匪載胡遠獨遺天子曰
播人予子予可弗問令吏名應龍置對逋佚抵媢未

竟厥理反戈於白石疆吏來言狀是當誅討天子曰
嗟豈不或悛命大臣適往宥辟之迨至應龍詭服請
受罰贖首領自效使者宣上旨褫爵赦死春夏煦長
父教母訓惡枿桀息憑倚慈惠長傲滋慝究厥狡狠
遂乃放兵擾境逆犯顏行戕我將士於飛練事聞廷
臣僉曰播徒蟻蝨上不忍爪甲數置之覆用噉噬此
自棄天天所廢絕不可宥天子曰然遂以前巡撫遼
東兵部侍郎李公往總師事建督府成都總統黔楚
賜劍一得揮誅大將以下而以都御史郭公撫黔都

御史支公置幕偏沅以江公往視師咸聽於李公己
亥五月公至蜀受事當三方積平士恆戈剗糒饒弗
屬公謂以天兵誅小醜當竿萬全取一決而定於是
徵師輓粟內修攻戰具陽示無動以紓之賊入綦江
燒三峽梗偏隆煽引九股恫喝躡轢圖以怵將吏就
懷拊公因布之文告賊志果岐用緩深入明年春所
徵秦魏燕齊滇浙之師暨土司兵畢集衆二十萬正
月望日公登壇誓師五監六帥八道並進以伐之推
官折枝先以南川兵擣官壩降真州進據桑木屬帥

古今圖書集成
縱破南木婁山關再與應龍父子遇力戰大殲其軍
帥廣別擊斬賊大將郭通緒平崖門以入再捷水牛
塘賊棲固上楚帥璘盡芟四牌七牌之苗躡青蛇巔
戮數千人進略大小三渡而黔師亦再涉烏江毀關
以水西兵抵於白田夏五月諸將士大會海龍岡下
公命按察使悌來視師無何封侍郎訃至公飲血茹
涕責戰愈厲六月五日縱應祥兵破其城二翌日廣
璘攻之城圯衆繼以入應龍縊收其尸係擄妻孥盡
檻其屬獻闕下皆論如法斬磔於市夫播人竄伏榛

莽沉於冪霾不覩天地之大日月之朗者八百年於
茲矣刵割春砮束身淫威霆鬼其酋不敢選睨其視
王人天吏若異窮壤一旦更建城邑設守令飾新膠
庠猱梯虺穴虎豹馮阻者皆剗削嶮嶮廓爲周道茫
施羅甸谿洞君長震疊懲艾益祇罔怠明天子刑德
我公功烈於是乎遠宜標諸金石昭示萬禩永殿我
南紀用都司弘吉所相白田之南山下銳頂平樹銅
柱其上就厥趾桃源建公生祠銘公德麗牲之石望
齡舊史官於職宜有紀述遂系以辭曰播古州縣端

古今圖書集成
淪於彝封以順完地以鄙遺明之肇興鑑先納土膚
使窮階仍珪襲組南金象齒歲獻于王稱爾干矛載
啓戎行天命不滔妖興德寡有孽於房有謀於社女
戎勝晉禍水滅炎大猶弗勝小醜詎堪纓虎冠蛇搖
牙噴毒嘯刃噸鋒刑人以族高高昊天聽民則邇命
執罪人歸諸尉氏拳牯就訊爲我繫囚旣縱而西鶻
隼去鞞白石弄兵射天嗥主大吏執言譁張其語糾
聚奸慝公相謹囂糜肉播人用以豢苗鹿恃其險免
狡其窟再抗黔師兇窮罪迄邊人告訥帝用憺憺爰

命虎臣亂是大戡桓桓虎臣曰維李公佐祐厥庸郭
暨支江偏師未集綦城宵壞公狃以詞俾疑罔害哀
兵聚穀機沉色閒難知如陰不動如山屹屹王師有
來自東盧濮髻微並以兵從師旣會止神謀電發八
道攻進濤掀岱壓公曰有命誅止其魁播聞鼓聲若
旱始雷拜跼扶攜百千其伍有不用命乃斨以斧重
關嗟嗟若騫若墜恃險與兵以卽顛躓殷伐鬼方憊
乃克之三月告旋天子之釐維播在昔陂池潦洿今
始會同乃江乃湖昔爲鱸薨以飽兇淫今有室家乃

古今圖書集成
父乃兄告爾播人勤爾征役襁褓韋衿以償帝力告
爾播人維千百祀我公之功以名爾子赫赫天威銅
標在南逃矣西人我公是瞻

遵義府部藝文二

詩

錦屏山暮景

宋喻汝礪

暝色輕烟罩郡城
漁舟燈火倒觀星
寒山遠水江村暮
自在糴成水墨屏

遵義府部紀事

府志夜郎既降楚而秦奪楚黔中地無路得返遂留
王滇池且蘭爲牂牁國分侯支黨傳世數十暨秦通
道並蜀後始置吏主之

漢成帝河平二年以陳立爲牂牁太守初西南夷相
攻遂以立爲郡守立既至諭夜郎王息兵不從斬之
西南遂平

晉成帝咸和八年以牂牁謝恕爲撫彝中郎將南中
爲李雄所破據而有之惟恕不爲所困因得保郡以

古今圖書集成
是官之

梁武帝天監十年破牂牁夜郎苴蘭

唐元宗天寶六載貶隴右節度使皇甫惟明爲播州太守

宣宗大中十三年南詔僭號寇陷播州初韋臯在蜀南詔悅服其恩信及杜悰代之奏裁其入貢使者並來學子弟廩給於是南詔酋豐祐怒乃令其賀冬使人畱表嶺州而還遣兵來陷播州

懿宗咸通元年十月己亥安南都護李鄴復播州取

之

僖宗乾符初年太原楊端應募取播州尅之授安撫使自後王建孟知祥繼轄其地

宋神宗元豐四年南平酋長楊光震助官軍破瀘溪乞弟殺其黨阿訛

宋淳祐四年詔以播人冉璉權發合州冉璞通判州事

理宗寶祐二年以播州楊文連年捍禦賞官一轉六年夏詔田應庚以思州都統住播州築關隘防邊

圍是年秋呂文德入播州詔京湖給銀萬兩
開慶元年秋賞知播州楊文守禦勞官一轉

恭宗德祐元年加知播州楊邦憲團練觀察使趣兵
入衛

端宗景炎二年春元軍入重慶府張珩死之播思等
州皆降於元

元世祖至元十五年春楊邦憲表請乞降詔從之
十八年命播州覲貢方物

十九年詔播州軍征緬國

二十一年發楊田二家征緬

二十九年以行播州楊漢英爲沿邊宣慰

三十年命思播黃平等拘刷亡宋避役軍人以增鎮
守並發播人征安南

成宗大德元年詔播州宣撫楊漢英討黃平等蠻

明宗天曆三年四川囊加台攻播苗兒埡宣慰使楊
延里不花開關迎之因遣諸王月魯帖木兒等至播
招諭楊魯不花及其弟皆降

文宗天曆三年秋命有司市馬補播諸驛

順帝至正二十三年偽夏明玉珍以竇英為叅政鎮播州

明太祖洪武元年詔播州宣慰楊鑑率兵二萬為將軍傅友德先鋒

四年大將軍傅友德破偽夏真州鄭瑚以軍從

二十一年置重慶府播州宣慰司茶蒼

二十二年命諸將防西南彝以延安侯唐勝宗駐播

憲宗成化二十二年秋革罷楊友宣撫移之保寧

神宗萬曆十八年調楊應龍領兵征疊茂

二十八年總督李化龍進兵討播夏六月平之

遵義府部外編

總志夜郎者初有女子浣於遯水有大竹三節流至
逐手有聲剖之得男而養之及長有才武自立爲夜
郎侯以竹爲姓旣被殺彝獠以王非血氣所生甚重
之求爲立後牂牁太守吳霸以聞乃封其三子爲侯
死配食其父今夜郎有竹王三郎神云

